

Dahsau Ndawsim Gou

□ Banh Dingcungh / 潘定宗

Sanglinz dwg mbanjranz gou, gou youq gizneix youq le 18 bi, doiq gizneix sug dangqmaz, doeklaeng, gou lizgyae mbanjranz bae diegrog doegsaw, moix mbat dauqma Sanglinz, cungj hawj gou ngeix hwnj dahsau ndawsim gou.

2017 nienz 6 nyied, gou ngamq ndaej 18 bi, caemhcaiq hix daj gauhcungh bizyez lo. Cuengqgyaj le, gou roxnyinh mbwq dangqmaz, couh siengj okdou bae guhcaemz baez ndeu, cingqngamj ngoenzde dwg ngoenzseng boux baengzyoux ndeu, ranz gou liz ranz de mbouj suenq gyae, naengh mohdozceh 10 lai faen cung couh daengz lo. De mbouj cingj geijlai vunz daeuj hoh ngoenzseng, ngamq dahyoux de, song boux lwgsai, gou caeuq dahsau ndeu gungh 5 boux vunz ndwi. Bouxwnq gou ngeix mbouj cingcuj lo, cij lunz mbouj ndaej dah sau neix.

De mbouj suenq sang, naj de bizbwdbwg, ndaw hau lij miz di hoengz, dwggyaez dangqmaz, lwgda de ronghdikdik, riu hwnjdaeuj lumj dujva gyaundeideu. Gou gag ngeix: Dahsau neix baenzneix lengj, caen lumj dahsien ha! Gou yawj maez lo. Dangauh ndaw fwngz doek youq gwnznamh hix mbouj rox, baengzyoux heuh gou hix mbouj ndaejnyi. Gvaq yaep ndeu, de raen gou itcig yawj de, couh coh gou byaij gvaqdaeuj, ndwn youq baihnaj gou, dah sau neix liz gou baenzneix gyawj, sim gou diuqbubbub



naj hix hoengz lo, de iet fwngz okdaeuj, riu dwk doiq gou gangj: “Mwngz ndei, gou heuhguh Siujcinh, raeuz guh baengzyoux ba.” Couh yienghneix, gou roxnaj de lo, caeuq de roxnaj ndwen ndeu, gou liujgaij daengz, de hix dwg bizneix gauhcungh bizyez, caeuq gou doxdoengz, hix dwg 18 bi. De

lwnh gou naeuz, aen loqsiengj de dwg bae Gvangjsih Swhfan Dayoz doegsaw, danghnaeuz ndaej bae daengz gizhaenx doegsaw, couh muenxcuk lo.

Doeklaeng, gou ciengzseiz bae ra de, iu de bae guhcaemz, yawj denyingj, gwn haeux, gou ngoenz beij ngoenz maij de. Miz ngoenz ndeu, gou caeuq de bae guhcaemz, byaij daengz gij dieg vunz noix ndeu. Seizhaenx rumz ci daeuj, liengzsis, gou gaem fwngz de doiq de naeuz: “Liengz lwi?” “Miz mwngz youq henz ndang gou mbouj roxnyinh liengz.” “Guh dahyoux gou ndaej lwi?” Gou cam. De gangj: “Caj mwngz coenz vah neix gou dwgrengz lai lo.”

De baenz dahyoux gou lo, saedcej caeuq de caez youq hawj gou vaiqvued fouzbeij. Hoeng, byawz liuh ndaej daengz, miz ngoenz ndeu, de doiq gou gangj: “Gou gauj ndaej mbouj ndei, aeu ma hagdangz caiq doeg bi ndeu, raeuz lij dwg faenhai ba!” De yaek dauqbae nyinhcaen doegsaw caiq gauhgauj, hoeng gou yaek bae hwnj dayoz, de baenzneix gangj, gou hix mbouj rox gangj maz lo.

Yienznaeuz caeuq de caez youq mbouj nanz, hoeng, doeklaeng gou baenzlawz hix lumz mbouj ndaej de, itcig daengz doeg dayoz ngeih nienzgaep le, gou lij ciengzseiz ngeix hwnj de, ciengzseiz loq raen de, danghnaeuz seizgan ndaej doiq dauq, gou itdingh gaem maenh fwngz de.

Saetnaj

□ Dangz Gyahgwnh / 唐家根

Ciuh vunz raeuz raezrangrang, nanz mbouj nanz aiq miz gienh saeh ndeu hawj raeuz raen saetnaj, miz di saeh ndeu gvaq duenh seizgan couh lumz lo, hoeng, miz di saeh yaek lumz cungj lumz mbouj ndaej.

Ndaejgeiq miz bi ndeu, gou bae daengz Gveilinz Si guhhong, caeuq boux vunz diegrog he caez hwnjban,

de dwg Cauzsenjceuz, rox gangj Vahcauzsenj, seizde song boux dou cungj itheij gwn haeux, itheij gangigoj, guh’angq, youh caez youq aen rug he, mbouj miz maz vah mbouj gangj.

Miz ngoenz ndeu, guhhong daengz gij seizgan yietnaiq lo, song boux dou youh itheij naengh roengzdaeuj gangigoj, hainduj cungj

dwg gangj di saeh gvendaengz guhhong, caiq gangj daengz dieg gyawz gangj vah baenzlawz baenzlawz. Doeklaeng de cam gou: “Daegnuengx, dingqgangj sou Bouxcuengh miz Sawcuengh, dwg lwi?”

Dingq de yienghneix cam, gou doq ngaekgyaeuj dap naeuz: “Dwg ha.”

De youh cam: “Yienghneix mwngz itdingh rox sij Sawcuengh lo?” Baezneix gou naj nding rwz hoengz lo, dingz yaep ndeu gou ngauzngauz gyaeuj dap naeuz: “Gou mbouj rox sij.” Gou gangj sat, raen de veq naj gvaq henz bae, aen ndaeng “hwng” sing ndeu, gag gangj gag naeuz: “Dwg Bouxcuengh, mbouj rox sij saw bonjfaenh, caen dwgriu lai lo.” Dingq coenz vah de le, gou mbouj rox baenzlawz gangj lo, aen naj engqgya fat nding fat ndat, roxnyinh raen

saetnaj raixcaix. De naeuz hix mbouj loeng, dwg Bouxcuengh, hoeng mbouj rox sij Sawcuengh, suenq maz Bouxcuengh dem.

Seizhaenx gou couh naemj, danghnaeuz gyawz miz hagdangz son Sawcuengh, gou itdingh aeu bae hag. Caj gou hag rox Sawcuengh le, itdingh aeu Sawcuengh bae geiq fwen mbanjranz gou. Danghnaeuz miz saek ngoenz de caiq raen gou, gou couh ndaej miznaj doiq de naeuz: “Seizneix gou mboujdan rox sij Sawcuengh, rox doeg Sawcuengh, lij ndaej aeu Sawcuengh daeuj sij fwen dem.”

Gaenq gvaqbae haujlai bi lo, seizneix gou hix caen hag rox Sawcuengh lo, gienh saeh neix youq ndawsim gou cungj mbouj lumz gvaq, cungj dwg roxnyinh gig saetnaj.

Bungz cungj ngoenzciet neix, lwngnyez dou ceiq angqyangz lo, ndaej ngaenzlingzyungh, ndaej daenj buhvaq moq, youq ndaw miuh ndawrog buet bae buet dauq, vuenheij dangqmaz, ndigah gou baez yawjraen gij yiemh-mbwnj gwnz dingjmiuh, couh geiq hwnj gij cingzgingj mwh hoh duzyou ngoenzseng, mbouj rox mbouj nyinh couh angqvau hwnjdaeuj lo.

Hoeng ngoenzneix mbouj dox-doengz, miuh baihnaj caemrwgrwg, aen ngaeuz ndeu hix mbouj miz, cij miz gyoengq roeglaej youq gwnz diegnywj mbin bae mbin dauq, song aen daengloengz hung lajroq, deng rumz bongj ndaej bibi buengqbuengq, doumiuh haep dingz he, ndaw ding laepngaungau, heuh gou boux vunz ndeu gag haeujbae caen miz di lau

·Sawcuenhraz Lwngnyez·

Gij Golwngnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

bw.

Gou rox Aulungzgeviz youq miuh baihlaeng, gvaengx gvaq aenmiuh, gou couh doq buetregreg doq hemq:

“Aulungzgeviz! Aulungzgeviz!”

“Hai! Gou youq gizneix, Ah-byauh!”

De heuh aen coh gou, gij sing daj gwnz gofaexnganx laeng miuh cienz daeuj.

“Mwngz youq gizneix guh maz?”

Gou buet coh laj gofaexnganx, sing hung cam.

“Mwngz daeuj yawjyawj!”

Mwh gou buet daengz lajde seiz, deng gij doxgaiq dangqnaj hwk linj lo.

Youq gwnz nga vang, venj miz duz ngwz miz sam seiq cik raez, hoz de deng cagndaij goenjjug le venj youq gwnz gofaex, daengx ndang mbouj dingz niuj bae niuj dauq, siengj dawz

diuz rieng de geuj ngafaex, hoeng baenzlawz geuj hix geuj mbouj ndaej, yawj hwnjdaeuj caen hawj vunz roxnyinh baihlaeng caeprikrik.

Gou ndwn youq giz liz miz 10 lai cik, mbouj gamj byaij gyawj, saek-laeuq cagndaij de goenq, gou ndaej doq baenq gyaeuj couh buetdeuz.

“Mwngz yawj gou bok naeng de ba.” Aulungzgeviz riuhehe dwk iet fwngz gaem diuz rieng duzngwz, lumj dawz aen dwngx nei doiq gou gangj: “Lwgsai, baenzneix mbeiiq?”

Gou raen diuz rieng duz ngwz gaenq deng de gaem youq ndaw fwngz lo, youh deng gij vah de gik, gou yaek aeunaj, couh byaij gyawj le geij yamq, cang guh yiengh mbouj lau cam de:

“Daj gyawz gaemh daeuj ne?”

(caengz sat)